



Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Van't teecken des Crupces.

urn:nbn:de:hbz:466:1-39385

dinghen daer-men dit ghelooue mede belijdt ende te kennen gheest.

M. Hoe maeckt-men het teecken des heyligen Cruyces?

D. In twee diuersche manieren: Gerst metten duym op't veur-hoofdt / mond / ende borst / teghen alle quaede ghedachten / woorden / ende wercken: Ten tweeden / mette gheheele rechte handt / oft met twee oft dyj vingheren / die stellende eerst op't veur hoofdt / en segghende: In den naem des Vaders, ende daer naer onder op de borst / segghende: ende des Soons, daer naer vande slincke schouder tot de rechte / segghende: ende des Heylyghs Gheests, Amen. Teeckenende ons seluen / keeren wy de handt tot ons: ende teeckenende andere / keeren wy die tot haer.

M. Waerom wordt het Cruys-teecken aldus ghemaect?

D. Om ons in't corste te leeren t'ghene dat alle Christene mensche zijn schuldigh wt-dryckelijck te gheloouen / het welck breeder ende cl aerder wordt uyt-gheleght in de xij. hoofd-stucken onseg Christen Gheloofs.

M. Waerom seght ghy, Inden naem, ende niet, In de naemen?

D. Om daer deur te kennen te gheuen datter maer een Godt en ig.

M. Waerom seght men, In den naem des Vaders, ende des Soons, ende des Heylyghs Geests?

D. Om daer deur te beteekenen / datter nochtans zijn dyj diuersche persoonen / de Vader / de Soone / ende de heylige Gheest.

M. Waer-

M. Waer-om stellen wy den Vader bouen?

D. Om dat de Vader het beghinsel is der Hepli-
gher Drijvuldighedt/ende van niemandt op de-
ser Werelde ghesonden.

M. Waer-om den Sone beneden , by-auong-
tuere om dat hy minder is dan de Vader?

D. Gheens-sins/ maer om twee andere saecken/
te weten : om dat hy uyt den Vader ghebozen
wordt/ende om dat hy uyt den hemel ghecomen
is in d' lichaem der Hepligher Maghet Maria.

M. Waer-om den H. Gheest in't midden?

D. Om twee redenen/ te weten 1. om dat hy is
de liefde des Vaders/ ende des Soons/ ende
2. om dat deur hem / als deur de liefde / Godt de
Sone is uyt den hemel gedaelt in d' lichaem sijns
moeders/niet deur onse verdienste/maer deur sijn
goedertieren bermhertigheydt.

M. Hoe wordt Christi lijden hier beteek-
kent?

D. In twee manieren/ ten eersten/ deur het teec-
ken/ Welck is een figuere der galgen des Cruyces/
waer aan Christus veur ons heeft de doodt ghele-
den. Ten anderen/ stellende de handt op den buycck
als- men den Sone noemt/ beteekenien wy dat de
Sone Gods om onsen't wille is nedergedaelt in
den buycck der aerden/ nae den lichaeme in't graf/
nae der sielen in de helle.

M. Waer-om teeckent-dy v met de gheheele
handt , dat is met vijf vinghers?

D. Om te beteekenien de vijf Wonden Christi
aan't Cruyg ontfanghen.

M. Waer-om met twee vingheren?

D. Om dat Christus / die ghecryst was/ is
Godt ende mensche.

{ M. Waer-